

茗

齋

集

附明詩鈔

羊

春

集

卷

四

詩

七

上

李東陽

王元美曰李西涯如陂塘秋潦汪洋淡池而易見底裏又曰長沙公少為詩有聲既得大位愈自喜携

拔少年輕俊者一時爭慕歸之雖模楷不足而鼓舞攸賴長沙之於何李也其陳涉之啓漢高乎胡明瑞曰成化以還詩道旁落唐人風致幾於盡陳獨李文正才具宏通格律嚴整高步一時興起李何厥功甚偉是時中晚宋元諸調雜興砥柱其間固不易也又曰國朝詩流顯達無如孝廟以還李文正東陽楊文襄一清石文隱瑤謝文肅鐸吳文定寬程學士敏政凡所製作務為和平暢達演繹有餘覃研不足是時厥後李何並作宇宙一新矣

南風謠

夕陽亭中車不發南風吹塵暗城闕凌雲醉客噤不言蛙聲亂
起華林園城頭鹿車走碌々洛陽少年美如玉宮中夜半牝雞
啼千門萬戶皆翻覆金墉城々近遠朝來暮去誰能免九原若
見楊家姑應問婦來何太晚

花將軍歌

花將軍身長八尺勇絕倫從龍渡江。水渾提劍躍馬走平陸。
敵兵不敢逼主將不敢嗔殺人如麻滿山谷偏體無一刀鎗痕。
太平城中三千人焚賊十萬勢欲吞將軍怒呼縛盡絕罵賊如。
狗莫敢信檣頭萬箭集如蝟將軍願死不願生作他人臣部夫。
人赴水死有妻不辱將軍門將軍倚婢身姓孫收屍葬母抱兒。
走為賊俘虜隨風塵寄兒漁家屬老姥死生已分歸蒼昊賊平。
身歸竊兒去夜宿陶穴如生墳亂兵爭舟不得渡墮水不死如。
有神浮槎為舟蓮為實空中父老能知津孫來抱兒達行在哭。
聲上徹天能聞帝呼花雲兒丰骨如花雲手摩膝置泣復歎雲。

汝不死猶兒存兒年十五官萬戶九原再拜君王恩忠臣節婦
古稀有嬰杵尚是男兒身英雄在世竟不朽下可為河岳上可
為日星君不見金華文章石室史嗟我欲賦豈有筆力回千
鈞

明妃怨

莫倚朱顏好妍媸無定形莫惜黃金貴能為身重輕一生不識
君王面不是丹青誰引薦空將艷質惱君懷可似當時不相見
君王幸顧苦不早不及春風與秋草却羨蘇郎男子身猶能伏
節長安道休翻胡語入漢宮祇恐伶人如畫工畫工形貌尚可
改何況依稀曲調中

張弼

假髻曲

東家美人髮委地辛苦朝
理高髻西家美人髮及肩買粧假
髻亦峨然金釵寶鈿圍珠翠眼底何人辨真偽天桃窓下來春
風假髻美人先入宮

謝鐸

歲暮行

歲暮君莫憂歲暮君莫喜人生百歲苦不長一日愁來劇如此
古來志士悲白頭一息尚存心未休達人往亦解此秉燭欲
為長夜遊歲暮君莫憂歲暮君莫喜百歲千秋共如此

史鑑

秦淮歌

停君金叵羅聽我秦淮歌
長江西來幾千里沿泗直入臺城裏
浮青蕩綠南北流至今猶號秦淮水
秦淮之水能容舟秦淮之上花滿樓
美人捲簾垂玉鈎太白仙人清夜遊
酒酣乘舟往石頭棹歌渡淮水
倒披紫綺裘英風撼五岳豪氣隘九州
邇來四千四百九十五甲子無人繼
此移山倒海之風流水光依然月如故
斷雲零落令人愁豈無清歌與美酒
與子碌碌誠堪羞我歌秦淮歌送君
秦淮去城西酒樓在何處主人今非舊
孫楚且須痛飲歌達曙達曙歌醉方寢
笑壓吳姬股為枕滿身糝糊覆

宮錦明年我亦泛秦淮手解金龜就君飲

王鏊

棄婦怨

妾命薄妾命薄妾命自薄君不惡王顏自昔誤主恩得奉餘光
侍帷幄兔絲橫倒附青松豈謂青松久難托前時糟與糠常與
君同怡今日梁與肉知君懽對誰君如大江水妾如水底石江
水日夜流不回石抵狂瀾終不易哭城亦圯灑竹亦斑土
木猶可感君心終不還妾命薄妾命自薄君不惡

李夢陽

王元美曰歌行之有獻吉也其猶龍乎仲默于鱗其

麟鳳乎

胡明瑞曰獻吉學杜步趨形骸登善之模

蘭亭也

于鱗擬古割裂餽街懷仁之集聖教也心如獻吉

歌行于鱗七言律斯為雙雕並運各極摩天之勢

上元訪杜鍊師

宣皇昔時乘八風御龍游戲行烟空馬前兩侍玉女別館多在蓬萊宮朝天宮中舊時殿樓臺盡鎖無人見琉璃井塌青苔滿松檜森々月如練嗚呼往事難具陳燈火如山又一春北斗壇西訪隱淪我師黃衫白氎巾坐我更致西樓賓玉杯潄灑赤瑪瑙纖罽四角銀麒麟酒肉山堆滿堂醉仙廚往々來八珍孝宗之朝五真人師也磊落當其倫自言召見親賜食曾把丹書獻紫宸如今寂寞看春色銀魚玉帶無消息豈惟魚帶無消息欲語吞聲淚沾臆勸師對此莫酸辛世間萬事如轉輪且將芳草供生計聊與烟霞作主人月偏綵雲當幄生旋呼兩童吹玉

笙聞師妙得遊巡術百壺倒盡還須傾古來仙子尚誰在飲者
翻垂千載名々垂千載亦區々酒闌燈昏夜復徂不見秦陵草
已宿春生樹啼雙老烏此時亦應羣帝趨金燈翠旗光有無

寄張侍御

嚶其鳴矣彼何求天下願識韓荆州心傾義投神便往萬古不
廢江河流張侯窟起西南裔覽輝振翮風雲際鈎陳蒼涼闔闔
閉排闥直謁蓬萊帝旁冠義々不動紳挺身遂作蘭臺賓竊憤
辛裾謂泖忍誓與朱檻爭嶙峋已看騷衷狹道路復訝鵬鷺卑
風塵霜飛維楊海月苦陽行沮如汾花春還朝衮衣換日月立
伏正色指星辰行步既工馬從瘦諫草每就雞將晨餘力猶馳

翰墨圃先秦兩漢文心苦壯志真趨劍閣銘幽懷緬擬歸田賦
拖朱轡玉豈不足覲面徒餐竟何補及時願作朝陽鳳不然退
與漁樵伍予也綸竿孟諸客心本無他衆莫白李白卅人欲殺
之蘇軾能詩遭貶斥雷劒雖埋光在天下玉未剖終爲石垂老
重逢四海清虛名幸免諸公擲思君欲追稽呂駕贈言輒踐回
由迹有田負郭不餓死且自射獵芒碭澤

石將軍戰場歌

清風店南逢父老告我已巳年間事店北猶存古戰場遺鏃尚
帶勒王字憶昔蒙塵實慘怛反覆勢如風雨至紫荊關頭晝吹
角殺氣軍聲滿幽朔胡兒飲馬彰義門烽火夜照燕山雲內有

于尚書外有石將軍石家官軍若雷電天清野曠來酣戰朝廷
既失紫荊關吾民豈保清風店牽爺負子無處逃哭聲震天風
怒號兒女床頭伏鼓角野人屋上看旌旄將軍此時提戈出殺
胡不異草與蒿追北歸來血洗刀白日不動蒼天高萬里烟塵
一劍掃父子英雄古來少天生李晟為社稷周之方叔今元老
單于痛哭倒馬關羯胡半死飛狐道處處惟聲噪鼓旗家々牛
酒犒王師休誇漢室嫖姚將豈說唐朝郭子儀沉吟此事六十
春此地經過淚滿巾黃雲落日古骨白沙磧慘淡愁行人行人
來折戰場柳下馬坐望居庸口却憶千官迎駕初千乘萬騎下
皇都乾坤得見中原主日月重開再造圖梟雉不數雲臺士楊

石齋名天下無嗚呼楊石今已無安得再生此輩西備胡

吳偉松窓讀易圖歌

仄巖泉流石無數素壁濛濛起烟霧君家屋宇在城市何以堂
上生松樹側聞江夏生氣酣掃毫素絕壁風雷拔地起意匠鑿
天爲怒泰山古根生眼前俄頃縮出徂徠山懸蘿掛薜藋
黑復有草舍松之間牕間老人髭髮秃手翻一編周易讀空山
悲翠濤激長干冥暮花撲遠知既已死希夷不復作青山
石室杳何許恍然置我此丘壑翻愁一夕雷電入六丁追書上
寥廓又畫石下根屈曲如老龍胡奴暝踏孤岩崧蓬頭赤腳露
兩肘月明汲泉山澗中却憶前年召畫師江夏吳生亦與之短

謁垢臉見天子禮貌雖村骨格奇帝令待詔仁智殿有時半酣
被召見跪翻墨汁信手塗白日慘淡風雲變至尊含笑中官美
五侯七貴爭看面請觀此幅松舍圖黃金失價連城賤吳生吳
生大氣岸一言不合輒投硯

送李帥之雲中

黃風北來雲氣惡雲州健兒夜吹角將軍按劍坐待曙紇干山
搖月半落槽頭馬鳴士飯飽昔無完衣今繡襖沙場緩轡行射
鵬秋草滿地單于逃

楊花篇

洛陽三月春風起楊花飛入千門裏只見朝紫上苑烟那知夕

逐東流水苑烟流水無休歇暖日輕盈渡仙闕趙女瑤臺貯綠
霞班娘團扇啼明月綵霞明月幾沉輝陌上行人亂撲衣征夫
柳塞愁看雁少婦香閨懶上機柳塞香閨萬餘里草色連天度
隴水玉門關外雪猶飛章臺樹裏風先起誰家浪子千金馬平
明挾彈章臺下頭上羅巾玳瑁簪腰間寶鉞珊瑚把踏絮來尋
賣酒家持香坐調當壚者當壚美女怨陽春笑掇楊花襯錦裯
青樓薄暮難消遣白雪漫天愁殺人冥冥漠漠春無極此時惟
有楊花色一朝風雨靡蕪爛獨慘垂條三歎息

漢京篇

漢京臨帝極複道衆星羅烟花開甸服錦繡列山河山河自古

稱佳麗城中半是王侯第峻閣重樓夾道懸雲房霧殿森虧蔽
牧豚賣珠登要津樊侯亦是鼓刀人時來叱咤生風雨奄見吹
嗟走鬼神平津結兄蓋侯弟杯酒相看何意氣執鞭盡是虎賁
郎守門不說長安尉長安烽火入邊城挺劍辭君萬里行去日
千官遮馬餞歸來天子降階迎朱弓尚抱流沙月寶鉞常飛瀚
海星不分燕然先勒石真教麟閣後標名豈知盛滿多仇忌可
惜榮華如夢寐地宅田園奪與人冊書鈇券成何事霍氏門墻
孤夜號魏其池館長蓬蒿三千劍客今誰在十二珠樓空復高
後車不戒前車覆又破黃金買金谷洛陽亭榭與山齊北邙車
馬如雲逐陰郭豪華真可憐雲臺將相珥貂連當時却恠桐江

叟獨着羊裘伴帝眠

何景明

王元美曰李源風何源雅風故長變以明志耳觀其
沉深莽宕激昂鼓壯暗鳴憤懷忽正而奇正若嶽厲
奇若海颶則李子哉是固少遜要之其緣情即衆觸物比
類靡所不遂璧生幾馳文霞淪漪緒颺搖曳春華徐發驟
而如淺復而彌深疑無踰何子而上者

行路難

牀有織綺篋有織素請君視綺還視素憐新不如莫棄故樽中
有酒盤有飡聽我為歌行路難衆中懽樂多志氣豈知他人不
得意白日有時不照地安能保君常不棄天河熒々西北轉織
女牽牛不相見由來天上亦別離何恠人間有悲怨世情曄薄
惡衰賤駕車馳馬如雷電少年不得君愛惜紅顏勝人亦何益